

— Ահա, վերջապէս, այն վայրը, ուր լը-
ռութիւնը տիրական է, — ասեց մի ասպետ եւ
ոտքը դեանին գարկեց:

Խուլ, երկար մի դղրդոց նրան պատաս-
խանեց:

— Այստեղ դեռ կեանք կայ, — ասացին ըն-
կերները եւ ճամբան շարունակեցին:

Գնացին օրեր եւ դիշերներ, անցան նոր
հսկայ տարածութիւններ, եւ անապատը դեռ
շարունակում էր դղրդալ:

Մի օր էլ հասան ահաւոր անդնդի մի ծայ-
րը:

— Ահա, վերջապէս, այն վայրը, ուր լը-
ռութիւնը տիրական է, — ասեց երկրորդ աս-
պետը եւ ձայն տուեց անդունդին:

Ամբողջ անդունդը սկսեց ձայնել:

— Այստեղ դեռ կեանք կայ ասացին ըն-
կերները եւ ճամբան շարունակեցին, անդուն-
դը եղերեղով:

Քալեցին, քալեցին եւ մի օր էլ հասան
այնտեղ, ուր երկիրը վերջանում էր, ուր պա-
րապն էր ու մերկ տարածութիւնը:

— Վերջապէ՛ս, վերջապէ՛ս, — բացա-
կանչեցին երեքն էլ միաձայն, — ահա՛ լռու-
թիւնը:

Բայց տարածութիւնը արձագանդեց նը-
րանց բացականշութեան ու՝ ձայները թաւալ-
ուելով պարապի մէջ ա՛յնքան մեծցան եւ ա՛յն-
պիսի աղմուկ ստեղծեցին, որ ասպետները
սարսափած յետ եկան:

Ուզում եմ ասել, որ մեր ձայնի առջեւ,
բայց մեր սեփական ձայնի առջեւ՝ ոչ մի ա-
նապատ անտարբեր կը մնայ:

Անապատը մեր մէջ է: Մահը մեզ հետ է:

Երբ ուզենք արթնանալ, բողբոջները կը
ծլին, ու հայ կեանքը պարտէզի կը վերածուի:
* * *

Որբերի դիւղը մի փողոց է: Երկու կող-
մից, փոքրիկ գեղջկական տնակներ: Ամէն մի
տան մէջ հինգ հինգ տղայ են ապրում: Նոց
ծառեր են տնակել, առու են շինում: Ծէնքերից
մէկի մէջ՝ դպրոց, սեղանատուն եւ ուսուցիչ-
ների սենեակները:

Փողոցի ծայրում խարոյկ են վառել, տղա-
քը տաքանում են: Քիչ հեռու մի քանի ոչ-
խարներ եւ նեղլիկ դաշտ, ուր բանջարեղէն են
տնկում:

Ոչ մի շարժում: Անապատը ամէնքի հետ
խօսում է եւ ծուլօրէն, անտարբեր ման դալիս:

Ամառը կրակ է թափւում: Չմեռը անձրե-
ւը լիճեր է կաղմում եւ լարծուն, դեղին ցեխի
մէջ մխրձում տղոց տխուր սիրտերը:

Նայում եմ, աչքերի մէջ՝ անասելի ձանձ-
րոյթ եւ տրտմութիւն: Քարացած անտարբե-
րութիւն: Յոռետես, արդէն ծերացած նայ-
ուպցւններ ու ապշութիւն:

— Ուզում ենք, — ասում է ամերիկա-
ցին, — որ որբերը ստեղծեն սեփական կեանք:

Լեցրել են հաւերի պէս, հինգ հինգ հոգի
տնակների մէջ եւ ուզում են, որ սեփական
կեանք ստեղծեն:

Հայերէ՛ն խօսենք:

Որբերը մեծ մասամբ փախչում են: Երբ
Թիֆլիս դնացող դնացքը Սարդարապատ կա-
յարանում կանգ է առնում, ոմանք մտնում են
վազոնի տակի երկաթների վրայ եւ մեկնում
են: Գնում են դէպի անյայտ: Ուր որ լինի:
Մուրացկանութիւն են անում, բանուօրու-
թիւն, գողութիւն իսկ: Գնում են:

Ոմանք մօտակայ դիւղերն են փախչում:
Ամառը թաքնւում են պարտէզների մէջ կամ
աշխատանք խնդրում: Հայ դիւղեր են, երբեմն
խղճում են, ներս ընդունում, հաց տալիս:

Ամուսնանալ են ուզում:

— Մենք յոգնել ենք որբ լինելուց, — ա-
սում է մէկը:

Առաւօտ բորոզանը փչում է: Վեր են կե-
նում, անկողինները շինում, լուացում: Թէ՛յ:
Յեխերի մէջ տապալակելով իրր թէ դպրոց են
դնում՝ ի՞նչ սորվելու:

Չանդը տալիս են՝ ճաշ: Նոյն ընկերները,
նոյն խօսակցութիւնները: Վաղո՛ւց յայտնի
պատմութիւններ: Որբերի տխուր, ողբերգա-
կան պատմութիւններ: Իլ ոչ ոք չի ուզում լը-
սել:

Ու այս անապատը: Անողոք, լերկ ու մերկ,
որբի կեանքի նման: Չմեռը ոռնում է, մայրում,
մլաւում: Անասելի մի տրտմութիւն: Չիւնը:
Բեւեռը եւ իր մահը: Բարեբախտաբար, երբեմն
զայլեր են դալիս, եւ վտանդը ուրախացնում
է:

Դեղնած շրթունքներով այդ տղաները եր-
բեմն աղօթքներ են փախում:

Աղօ՛թքներ: